

WASCO



SAVE EVERY DROP

Newsletter

MAY 2016



Editor

Lineo Moqasa

Contributors

Ntoetse Lerotholi

Photography

Ntoetse Lerotholi

Lehlohonolo Ncheke

Design and Print

SwiftPrint

Contact Details

Tel: +266 22312 449

Tel: +266 313 943 (24 hours)

Toll-Free: 800 22011

Fax: +266 22310 006

Website: www.wasco.co.ls

Email: pro@wasco.ls

info@wasco.ls

P.O. Box 426, Maseru 100, Lesotho

Copyright is reserved. Permission to reproduce in any form any of the material can be obtained from WASCO. WASCO update does not accept responsibility for unsolicited material.

WASCO e Fumana Boto e Ncha ea Tsamaiso _____	1
Monghali Mathealira Lerotholi o Beea Meja Fatše e le Mookameli oa WASCO _____	3
WASCO e Tšoara Lipapali tsa Zone VI tsa Paseka ka Katleho _____	4
WASCO e Tšoara 'Moka oa Naha oa Pele oa ba Chang ba Tšola Phepelong ea Metsi Litoropong _____	6
Morero oa Letamo le Phepelo ea metsi a Metolong o Butsoe ka Molao ka Pulungoana _____	7
Metse eo Lipeipi tsa Metolong li Fetang ho eona e Fumana Phepelo ea Metsi a Hloekileng _____	8
Ho aha Holim'a Lipeipi tsa Metsi e Tsoela pele ho ba Qholotso e Kholo Phepelong ea Metsi _____	10
WASCO e Tiisa Lenyalo le Mafube Consultancy ho Thakhola Liphuputso tsa Morero oa Five Towns _____	11
Morero oa Ntlafatso le Keketso ea Marang rang a Lipeipi tsa Metsi o Ntlafatsa Phepelo ea Metsi Maseru _____	12
Mafapha a Metsi le ba chang ba Tšola a Hlahloba Tema e Khathuoeng 2014/15 _____	13
Komello e Thefula Phepelo ea Metsi ka Har'a Naha _____	14
Litaba ka Lits'oants'o _____	16
LEWA approves new water and sewerage charges for 2016/17 _____	17
The Koaring Community Struggle for Clean Water supply Comes to an End _____	18
Maseru Sewerage and Sanitation 2035 Master Plan Revealed _____	19
Greater Maseru Water Supply Project Feasibility Study Draft Report Presented before Stakeholders _____	20

WASCO e Fumana Boto e Ncha ea Tsamaiso

Kamor'a hore e thehoe e le K'hamphani, WASCO e ile ea ikamahanya le melao e thehang lik'hamphani ea hore Boto ea tsamaiso e fetohe khafetsa. Selemong sena sa 2015/16 Letona la Metsi monghali Ralechate 'Mokose o ile a tsebahatsa litho tsa Boto e ncha ea K'hamphani. Ha a laea boto ena e ncha monghali 'Mokose o ile a re tšebetso ea phepelo ea metsi e kholo kaha e jarile bophelo ba sechaba. A re ka hona ho hlokahala banna le basali ba Boto ba sebetse ka boitelo, le tšantjello esita le ho tšoarana ka matsoho le bookameli ba K'hamphani ho hlola liphephetso tse tobileng litšebeletso tsa phepelo ea metsi esita le tsamaiso ea likhoerekhoere.

Tšebetso ea Boto e ile ea qala ka boithuto bo pharalletseng ba tsamaiso ea WASCO esita le tšebetso ea eona. Ba ile ba potoloha le setsi sa Metolong sa tlhoekiso ea metsi ho ithuta ka tlhahiso ea metsi a hloekileng. Ba boetse ba ba likopanong le bookameli ba K'hamphani moo ba ileng ba fumana tlhaloso e batsi ka popeho ea tsamaiso ea K'hamphani, mekhoha ea tšebetso esita le ho beoa leseling ka liqholotso tse

khinang pharallatso ea litšebeletso tsa phepelo ea metsi esita le tsamaiso ea likhoerekhoere. Liqholotso tse na li kenyetsetsa; tahleheho ea metsi ka lebaka la ho phahloha le ho lutla hoa marangrang a lipeipi ao e seng e le a khale haholo, mekoloto ea sechaba moo ka mekhahlelo ea sona se bonahalang se le lesisitheho ho lefella metsi, esita le hore K'hamphani e ikamahanye le lipheho tsa molaoli, LEWA.

Ha a fana ka boelets'i ho litho tse na tse ncha tsa Boto, setsibi litabeng tsa tsamaiso ea lik'hamphani (Corporate Governance) mofumahali Tiisetso Sello-Mafatle o itse mosebetsi o moholo oa Boto ke ho elets'a beng ba K'hamphani ka liqholotso tse tobileng K'hamphani le maoala a ka sebelisoang ho li feny'a. A re ho fihlela sena, litho li tšoanetse ho nyakurela ka botebo tšebetso ea bookameli le ho bo tataisa hore bo fihlele liqeto tse nepahetseng tse holisang k'hamphani. Mofumahali Sello-Mafatle o tiisitse hore Boto ke lesupa tsela 'me e na le boikarabelo bo boholo tsamaisong ea k'hamphani ho e betlela tsela ea tšebetso e tlišang kholo.



Litho tse ncha tsa Boto ea Tsamaiso 'moho le mongoli oa mehleng oa Boto le Mookameli oa mehleng oa WASCO

Ha a bua ka tšebetso e ba tobileng monghali Malefetsane Mohafa, molula-setulo oa Boto e ncha o itse ke likhoeli tse fetang botšelela joale ba le botong ea tsamaiso, 'me taba e kholo eo ba seng ba ithutile eona, ke qholotso ea tahlehelo ea metsi a hloekisitsoeng e utloisang sechaba bohloko haholo. A re, Bookame-li ba K'hamphani bo tlalehile hore sena se bakoa ke lipeipi tsa khale tse khathetseng 'me K'hamphani e lahlehelo haholo kaha tlhoekiso ea metsi e na le litjeo tse boima 'me ha a lahleha a baka tahlehelo ea lichelete. A re ba fumane K'hamphani e se na maano a 'maloa a tataisang tšebetso 'me ho fihlela joale ba se ba atlehile ho etsa maano a tšeletseng a kenyellet-sang la Tikoloho, Makoloi, Mekoloto, Likhokelo esita le bophelo bo botle ba basebetsi. A re taba e 'ngoe eo ba tšoereng ka thata ho eona ke ea sebopeho se secha sa K'hamphani kaha se ntseng se sebetsa e le sa khale se sa arabeng litlhoko tsa morero tsa tšebetso ea WASCO.

Molula-setulo oa boto o hlalositse hore tsela ea tšebetso eo ba hopolang hore e ka ntšha K'hamphani har'a liqholotso tse e tobileng ke hore, ho be le litlaleho tse hlakileng tsa Bookameli ba Mafapha a WASCO likhoeli tse ling le tse ling tse tharo ho bontša hore na moralo oa K'hamphani o ntse o phethahatsoa joang. A re

taba e 'ngoe e ka sehlohong ke ho ntlafatsa maqha-ma a tšebetso lipakeng tsa K'hamphani ka Boto ea Tsamaiso le Bookameli esita le beng ba K'hamphani e leng 'muso. A re ba boetse ba khothalletsa Bookame-li hore ho be le melašana e hlakileng ea tšebetsong, likarolong tsohle tsa tšebetso ea WASCO e le ho fana ka tataiso ho basebetsi hore na letsatsi le letsatsi ba tloha ka leoto le feng ho phethahatsa meralo ea K'hamphani.

Litho tse ncha tsa Boto ea Tsamaiso ea WASCO ke:

Mong. Malefetsane Mohafa e bile e le Molula-setulo oa Boto

Mong. Motlatsi Ramafole

Mof. Nthathi Moorosi

Mof. Mothepane Kotele

Mong. Mohau Kobile

Mong. Retšelisitsoe Lechesa

Mof. Mpho Elias

Mong. Letsatsi Mabona

Mong. Alphonse Ramone



Litho tsa Boto li etela Setsi sa Tlhoekiso ea Metsi, Metolong

Monghali Mathealira Lerotholi o Beea Meja Fatše e le Mookameli oa WASCO

Monghali Mathealira Lerotholi, o beile meja fatše e le mookameli oa WASCO ka Hlakola Monongoaha, kamor'a lilemo tse tharo a eteletse tšebetso ea K'hamphani, pele.

Ha a bua ka tšebetso ea hae, o itse ka 2013 ha a fihla WASCO, o ile a ithuta boemo ba K'hamphani 'me matšoao a 'maloa a ile a fana ka setšoantšo sa hore WASCO e sebetsa joang. A re, ka kakaretso boemo e ne e le bo hloabaetsang ba likamano tsa K'hamphani le mafapha a nang le seabo litabeng tsa phepelo ea metsi joalo ka barekisi ba neng ba lieha ho tliša thepa ka hore ba ne ba sa lefshoe ka nako. Sena se ne se baka tiehiso mesebetsing ea tokiso esita le likhokelo tse ncha. Ho feta moo pokello ea metsi a hloekileng e ne e le tlaase (50-60%) 'me sena se ne se baka hore ha bothata bo hlaha tsamaisong ea metsi, phepelo ea metsi e khaohe hang, libakeng tse ling. A re tlaleho ea libuka tsa lichelete e ne e le morao ka lilemo tse tharo (audited financial statements) e bile K'hamphani e es' o tšoare 'moka oa beng ba K'hamphani (shareholders) oo ka molao o tšoarolang selemo le selemo.

Taba e 'ngoe eo e neng e le letšoao la boemo bo sa jeseng litheohelang, ke khotsofalo ea basebetsi e ileng ea bonahala e le tlaase haholo. Ntlheng ena, monghali Lerotholi o boletse hore bookameli bo ile ba batalatsa mabala hore basebetsi ba ntše maikutlo ka bosebetsi le likarolo tse hlokolosi tsa tšebetso. Maikutlo a ile a bokelloa ka likopano le basebetsi ho tsoa libakeng tse fapakaneng, le ho etsa mabokose a litlahiso. A mang a maikutlo a ileng a hlahella ke hore basebetsi ba ne ba sa khotsofala ka hore ba sebetsa nako e telele mesebetsing ea nakoana. Litabeng tsena bookameli bo ile ba thakhola morero oa ho hlahloba sebopelo sa K'hamphani moo tse ling tsa lingongoreho tsena li ileng tsa li fumaneloa litharollo, a re tumelo ke hore sena se phahamisitse tšepo ea basebetsi ha ba hlokomela hore lingongoreho tsa bona li nkeloa hloohong.

Monghali Lerotholi o re o beha meja, K'hamphani e se e matlafalitse maqhama a tšebeliso le barekisi ba thepa. Litlaleho tsa tlhahlobo ea libuka li se li etsoa selemo le selemo, 'me mothamo oa pokello ea metsi o phahametse ho 77%. WASCO e boetse ea itokisetse ka katleho ho nka tšebetso ea phepelo ea metsi a Metolong nakong ea bookameli ba hae. Qholotso e kholo e tjametseng ea tlamo hlahlama ke mokoloto o moholo oa merero ea ntlafatso, kholo e potlakileng ea sechaba le batho ba ahang holim'a marang rang a lipeipi. Monghali Lerotholi o tiisitse hore WASCO e tla atleha nakong e tlang ha e ka fetola mokhoa oa tšebetso hore e sebetsane le ho kha metsi, tloeki-so le ho a fetisetse linkhong (reservoirs) 'me li-council le 'Masepala li a fetisetse sechabeng. A re ha feela K'hamphani e sebetsana le likarolo tsa tšebetso kamoo e etsang ka teng e bile e itjara ntlheng ea ho fumana lichelete ho ntlafatsa merero ea phepelo ea metsi le pokello ea likhoerekhoere, e tla sitoa ho fana ka litšebeliso tse tsoileng matsoho. O hlalositse hore haeba tebello ke hore litjeo tsa litšenyehelo tsena kaofela li ka jaroa ke basebelisi ba metsi le likhoerekhoere, litefiso li tla ba holimo hoo litšebeliso tsena li ka fumanoang ke batho ba fokolang, haholo.



Ho tsoa letsohong le letona:

Monghali Mathealira Lerotholi le Karolo e 'ngoe ea Bookameli ba WASCO esita le Basebetsi ba WASCO Qacha'snek Phuthehong e 'ngoe ea Basebetsi

WASCO e Tšoara Lipapali tsa Zone VI tsa Paseka ka Katleho



Sehlopha sa WASCO sa Netball

Libaka tsa tšebetso ka ho fapana li tšoere ka thata ho hlabolla basebetsi 'meleng le kelellong e le hobane ho hlokomeleha hore sena se ba phahamisane morolo mosebetsing, ba phela hantle nako e telele e bile tlhahiso e ea ntlafala. WASCO le lik'hamphani tsa metsi tsa Lepelle Northern Water (Afrika Boroa) Bloem Water (Afrika Boroa) esita le likhamphani tsa metsi Swaziland (Swaziland Water Service Corporation) le Botswana (Botswana Water Utility Corporation), li kene setlamong sa ho tšoara lipapali tse reretsoeng ho hlabolla basebetsi tse tšoaroang ka phapanyetsano Paseka e 'ngoe le e 'ngoe.

Selemong sena lipapali tsena li ile tsa tšoaroa ke WASCO 'me li ne li bapalla mabaleng a Sekolong sa Koetliso ea Sepolesa PTC. Ha a bula ka molao lipapali tsena ea buileng lebitsong la molula setulo oa Boto ea Tsamaiso ea WASCO monghali Retšelisitsoe Lechesa, o boletse hore ka lipapali tsena Lik'hamphani li tiisa maqhama a tšebeliso. A re basebetsi leha ba bapalla tlhoho lipapaling tsa bolo ea maoto, bolo ea matsoho, volley ball pool le darts, sepheo se sehoho ke boithapallo le ho theha likamano tse mofuthu tse ka thusang esita le ntlafatsong ea tšebetso haholo lintlheng tse kang ho arolelana malebela ka toantšo ea liqholotso tse kang komello, ho thefuleha hoa mehloli ea metsi esita le

paballo ea ona le ho qhalana hoa metsi ho bakoang ke ho lutla le ho phahloha hoa lipeipi.

Lihlopha tse ileng tsa ipabola li ile tsa fumana mehope moketjaneng oa lijo tsa mantsiboea ka la 26 Tlhakubele, 2016. Sehlopha se ipabotseng bolong ea matsoho ke sa WASCO sa hlahlangoa ke Botswana, volley ball mpoli ke WASCO, bobeling ke Botswana. Haele papaling ea pool mohloli ke Bloem Water, WASCO ea nka boemo ba bobeli, li darts bahloli ke Botswana ha WASCO e nkile boemo ba bobeli. Papaling ea bolo ea maoto Botswana e ikhabetse tlhoho e lateloa ke Lepelle. Ka kakaretso k'hamphani e ipabotseng ka mehope e mengata lipapaling tsena ke WASCO ea lateloa ke Botswana.

Ha a bua moketjaneng ona, ea tšoereng molepo e le mookameli oa WASCO mofumahali 'Mamathe Makhaola o lebohete bahloli mekhahlelong e fapakaneng ea lipapali, a lebohela le moea o motle oo lipapali tsena li bapetsoeng ka ona. A re tumelo ea hae ke hore lipapali tsena li fihletse sepheo sa ho theola khatello ea maikutlo ho basebetsi, ho ba fa monyetla oa ho ithapolla le ho theha setsoalle. Mofumahali Makhaola o lebohile basebetsi bohle ba bileng le seabo lipapaling tsena esita le tlhophisong ea tsona. A leboha seabo sa bafani ba faneng ka tšebetso ka mekhoe e fapakaneng ho atlehisa lipapali tsena, bona ke GWC Consulting, Tough Services, Letsoabo Construction and Civils, Formosa, Lefielo Cleaning Services le CES (Consulting Engineers Salzgitler).

Mofumahali Makhaola o boetse a supa hore nakong ena ea lipapali baokameli ba mafapha a fapakaneng ba ile ba tšohla lintlha tse ngata tse amanang le tšebetso ea tlhokiso le phepele ea metsi. Kopano ena e bile Labone 'me ho latela kopano ea baokameli ba lik'hamphani tse nang le seabo lipapaling tsena e bileng Lepelle ka 2015, baokameli ba boetse ba kopana Maseru ka 2016 e le ho sebelisa nako ena ho thakelana malebela. Tse ling tsa litaba tse ileng tsa tšohloa ka botebo ke taba ea ho theha litumellano tsa



Setho sa Boto ea WASCO monghali Retšelisitsoe Lechesa o lumelisa Lihlopha tsa bolo ea maoto tse thakhotseng lipapali tsa ZONE VI

tšebeliso lipakeng tsa lik'hamphani. Lepelle e bile ea hlahisa hore lipapali tsena li ile tsa susumetsa hore ba thehe selekane sa tšebeliso le Bloem Water se qalileng ka 2013.

Taba e 'ngoe e ileng ea tšohloa e le qholotso ea bohola ba lik'hamphani ke tahlehelo ea metsi a hloekileng ka lebaka la liphepi tsa khale tse khathetseng. Ntlheng

ena baokameli ba bile ntsoe leng hore hona ke bothata bo bohola empa ha k'hamphani ka 'ngoe e tseba marang rang a eona le hore na a felloa ke nako ka mor'a nako e kae esita le mekhoha e hlakileng ea tokiso, tahlehelo ea metsi e ka fokotseha. Hape ba bontša hore sechaba se ka tšoarana ka matsoho le lik'hamphani ho tlaleha tahlehelo ea metsi leha bothata e le hore ha litlaleho li le ngata 'me li sa sebetsoe hang sechaba se hloma eka lik'hamphani ha li sebetse athe basebetsi ba tšoere ka thata libakeng tse ling. Taba e 'ngoe e hlahileng lipuisanong tsena e ka ba tharollo qholotsong ena ke hore ho be le botsebi (technology) e laolang phallo ea metsi esita le e thusang tabeng ea ho hlahloba marangrang e bontšang ka pele ha ho lutla ho le teng.

Baokameli phuthehong ena, ba lumellane hore likopano tsena li bohlokoa 'me li tla tšoaroa selemo le selemo letsatsi pele lipapali li qala, 'me ho tla lumellanoa ka lintlha tsa lipuisano nakong ea boithlhopho ba lipapali tsena. Tebello ke hore lipapali tsena tsa Zone V1 Inter Utility Companies li tšoaroe Swaziland ka Paseka ea 2017.

Lihlopha tsa Lesotho le Botswana tlholisanong ea papali ea tug of war



WASCO e Tšoara 'Moka oa Naha oa Pele oa ba Chang ba Tšola Phepelong ea Metsi Litoropong



Letona la Metsi monghali Ralechate 'Mokose le Mongoli e Moholo oa Lekala monghali Khomooatsana Tau.

Ka Tlhakubele K'hamphani e ile ea tšoarora 'moka oa khohola-qoko oa mafapha a fapakaneng a sechaba a nang le kobo ea bohali litabeng tsa phepelo ea metsi esita le tsamaiso ea likhoerekhoere. Litsi tsa WASCO naha ka bophara li bile le boemeli bo kenyelletsang basebelisi ba metsi, baetapele ba sechaba, mekhatlo e ikemetseng le mafapha a 'muso ka ho fapakana, kopanong ena.

Sepheo se seholo sa kopano ena ebile hore mafapha ana a sechaba a nang le kobo ea bohali tšebetsong ea WASCO, a hlalositse ka tšebetso ea k'hamphani, a behoe leseling ka tse ling tsa liqholotso tse khinang tšebetso, empa haholo a ile a fumana monyetla oa ho soaea k'hamphani mohlare boteng ba Letona la Metsi mohlomphehi Ralechate 'Mokose esita le Boto ea Tsamaiso ea K'hamphani e etelletsoeng pele ke monghali Malefetsane Mohafa.

Ha a bula Kopano ena Letona la Metsi monghali Ralechate 'Mokose o hlalositse hore, kopano ena ke sehlohlolo sa likopano tse bileng literekeng moo sechaba se ileng sa ntšha lingongoreho ka tšebetso ea WASCO. A bontša hore lipuisano tsena ke sethala sa hore bohle ba phutholohe 'me ba tšohle tema e khathuoeng ho tobana le liqholotso tseo ba ileng ba li tekele K'hamphani nakong e fetileng.

Molula -setulo oa Boto ea Tsamaiso WASCO monghali Malefetsane Mohafa ena o lebohile mohato oo

K'hamphani e o nkileng ho tšoarana ka matsoho le sechaba, a re sena se bontša hore K'hamphani e tset-selela kholo.

Sechaba se bileng teng phuthehong, se ile sa totobatsa tse ling tsa lintlha tseo WASCO e tšoanetseng ho intlafatsa ho tsona. Mohlala; ho tšoloha hoa metsi a litšila mapatlelong a litoropo tse ling ka lebaka la khaello ea marang rang, ho se tsebisoe hoa sechaba ka nako ha ho ena le ho khaoha hoa phepelo ea metsi le tlhokahalo ea metsi libakeng tse ling tsa litoropo.

Ha a bua 'mokeng ona ea tšoereng molepo e le mookameli oa WASCO mofumahali 'Mamathe Makhaola o ile a bea 'moka leseling ka e meng ea merero eo WASCO e qalileng ho e etsa ho araba lingongoreho tsa sechaba. A supa hore ho na le morero oa litoropo tse hlano tsa phepelo ea metsi (Five Towns Water Supply Project) o tla ntlafatsa phepelo ea metsi Mafeteng, Mohale'shoek, Qacha'snek, Buttha-Buthe le Hlotse, ho boetse ho na le morero oa ho ntlafatsa tsamaiso ea likhoerekhoere litoropong tse ling esita le motse moholo, Maseru. A hlalosa hore morero oa tlhopho-bocha ea bosebetsi le ona o mocheng 'me o kenyelletsa keketso ea basebetsi. A re hape, WASCO e tiisitse likhato tsa ho hlahloba tšebetso ea mekonteraka e ikemetseng hoo ha mosebetsi oa bona o le bohlasoa ba nkeloang likhato. Ntlheng ea mekoloto e sa lefshoeng ka nako a bontša hore ho se ho e na le mekhoha ea morao eo batho ba ka e sebelisang ho lefa e leng M-pesa, Ecocash, ho lefella bankeng, mabenkeleng le ka EFT.

'Moka ona e bile sehlohlolo sa liphutheho tse ileng tsa tšoarora ho tloha ka 2014 ho fihlela 2015 moo WASCO e neng e tšetlehela sechaba ka tšebetso ea eona, liqholotso tse khinang tsoelopele empa haholo liphuthehong tsena, ke moo sechaba se ileng sa hlokomelisa K'hamphani ka mathata ao se kopanang le ona tšebetsong ea phepelo ea metsi esita le tsamaiso ea likhoerekhoere.

Morero oa Letamo le Phepelo ea metsi a Metolong o Butsoe ka Molao ka Pulungoana

Motlotlehi Letsie la Boraro o khakotse ka molao morero oa Metolong oa phepelo ea metsi ka la 20 Pulungoana, 2015. Morero ona ke o mong oa more-ro oa 'muso oa Lesotho oa ho ntlafatsa phepelo ea metsi mabalane 'me ona oa Metolong o ntlafat-sa phepelo ea metsi litoropong tsa Roma, Morija, Teyateyaneng, Mazenod le Maseru.

Morero oa Metolong o phethahalitsoe ho arabela tlhoko ea metsi litoropong tse hloauoeng. Sena se ile sa etsoa kamor'a boithuto bo ileng ba etsoa 'me ba utulla hore libaka tsa mabalane li ba le khaello ea phepelo ea metsi ka lebaka la sekhahla sa kholo ea sechaba esita le ho pharalla hoa mesebetsi e meholo e sebelisang metsi haholo libakeng tsa mabalane.

Tšebetso ea khaho ea letamo le mesebetsi e meng e meholo morerong ona e phethetsoe ka katleho 'me ho tloha ka Hlakola ngoahola Litoropo tsa Roma, Morija le TY li qalile ho fepeloa ke Metolong h'a Maseru e qalile ho fumana marotholi a pele ka 'Mesa.

Motlotlehi ha a bua le matšoele a neng a khobokane ho tla inoesa ka nkho ha ngoale e khiba, o hlalositse hore ho phetheloa h'a morero ona ho etsahala ka nako e nepahetseng ha naha e thefutsoe ke komello e bakileng ho fokotseha h'a phallo ea linoka le mehloli e meng ea metsi. Sena se bakile khaello e kholo phepe-long ea metsi libakeng tse ngata ka hara naha. Motlotlehi o itse, merero ea mofuta ona e tsoanetse ho anela naha e le hore Basotho bohle ba be le monyet-la oa ho fumana metsi a hloekileng esita le merero e meng ea ho bokella metsi bakeng sa temo le liphoo-fole. A re ke nako ea hore bohle re eme ka maoto ho baballa mehloli ea metsi.

Ha a bua hona moketeng ona, Tona Kholo Dr. Pakalitha Mosisili, o itse morero ona ke katleho e kholo e tlileng ka nako e nepahetseng, ha naha e tobane le komello e kholo e bakileng ho psha hoa mehloli ea metsi e kang linoka, liphorohloana esitsa le ka tlas'a



Motlotlehi Letsie III, Motlotlehi Mofumahali 'Masenate, Tona-Kholo Dr. Pakalitha Mosisili le Mofumahali 'Mathato Mosisili le Bahlomphehi ba bang ba bileng teng moketeng oa Pulo ea Letamo la Metolong

mpa ea lefatše. A re o khothetse ho hlokomela hore libaka tse ka beng li otluoe haholo ke komello ena joalo ka Sekolo se sehohle sa Sechaba (NUL) ha se na phephetso ea phepelo ea metsi nakong ena eo toropo ea Roma e seng e ntse e fepeloa ke Metolong.

Dr. Mosisili o boetse a thoholetsa basebetsi ba morero ba ileng ba tsoara ka thata ho sebetsoa lilemo tse 'ne hore ba nehelane ka mosebetsi o tsoileng matsoho leha ba sebelitse har'a liqholotso tse ngata. A ipilet-sa ho balekane ba Lesotho litabeng tsa ntlafatso, ba ileng ba tšehetsa morero ona ho tsoelapele ho tšehetsa merero ea mofuta ona e tla phethahatsoa ho araba tlhoko ea metsi a hloekileng bakeng sa sechaba sa libaka tse ling ho pharalla le naha.

Ho sa le joalo, mokhethoa oa lebatooa la Machache monghali Monyane Moleleki ea buileng lebitsong la mabatooa a mahlano a likalikileng sebaka sa Metolong, o hlalositse teboho ea bona ka morero ona o sa tl'o tsoela baahi ba litoropo tse hloauneng tse hlano feela molemo empa le metse e fetang mashome a su-



Motlotlehi o bula lesela ho thakhola pulo ea Metolong

pileng e pela Metolong e tl'ona molemo. A re metse ena e mabatoeng a Thaba-Bosiu, Malimong, Thupa-Kubu, Tšoana-Makhulo esita le Machache. Tebello ke hore morero ona o ntlafatse baahi ba libaka tsena ka morero oa khaho ea matloana, phephelo ea metsi metseng esita le ho kenngoa hoa motlakase. Moralo o hlakileng oa phephelo ea metsi metseng ena o se o qalile 'me o tla phethahatsoa ho tloha ka 2017/18. Ke lekhetlo la pele libaka tse potolohang le sebaka sa morero o moholo joalo ka ona ba una molemo ka tšobotsi ena.

Mokete ona o ile oa natefisoa ka menyakoe ke lihlopha tse fapakaneng. Tsona li ile tsa fetisa melaetsa

e matla hore ke nako ea hore Basotho ba baballe mehloli ea metsi esita le boieane ba tlhohleho. Lihlopha tsena li ile tsa kenyelletsa baithuti ba Sekolo sa Mathomo sa Motati (Leribe) ba ileng ba fana ka thuto ea tšebeliso e hlokolosi ea metsi, ho qoba tšilafatso ea tikoloho, matamo esita le mehloli e meng ea metsi le hona ho ruta Basotho hore metsi ke bophelo e bile sehloholoeng sena se ka hlalisoa Basotho mosebetsi ka ho fapakaneng.

Phetholo ea lekote ho thakhola khaho ea morero oa Metolong e ile ea ba ka 2011. Morero ona o na le mekhahlelo e mehlano e leng; khaho ea letamo, setsi sa tlhoekiso ea metsi, khaho ea litsela le ho kenngoa h'a motlakase sebakeng sa morero esita le morero oa ho baballa tikoloho, ho fokotsa litlamorao tse bosula tse tlišoang ke morero, tlhokomelo ea noka ea Phuthiatsana le libaka tse ka thoko ho noka ena esita le ho fallisa batho ba anngoeng ke morero. Morero ona o phethahalitsoe ka chelete e ka bang M5.9 billion e neng e tsoa 'musong oa Lesotho le balekane litabeng tsa ntšetsopele joalo ka Banka ea Lefatše, 'muso oa Afrika Boroa, Letsete la Mongoa kholo la Amerika, Banka ea Europe ea Matsete, BADEA, DFID le ba bang.

Metse eo Lipeipi tsa Metolong li Fetang ho eona e Fumana Phephelo ea Metsi a Hloekileng

Letona la Lekala la Metsi monghali Ralechate 'Mokose ka la 16 Pherekhong, 2016 o thakhotse phephelo ea metsi a letamo la Metolong metseng e ithatikileng ka lipeipi tse tsamaisang metsi ana ho a isa litoropong tse hloailoeng. Motse oa ha Makhoathi ke oa pele o fumaneng lipompo letotong la metse e tlo una molemo tlas'a morero ona.

Ha a bula lipompo tsena tsa ha Makhoathi monghali 'Mokose o hlalositse hore sena se phethahatsa tšepiso ea 'muso ea hore metse e tikolohong ea letamo le eo lipeipi tsa metsi li tsamaeang ho eona e fumane phe-

pelo ea metsi a Metolong. A re leha morero ona o le moholo 'me tebello e le hore metsi a fetele malapeng, Lekala la habo le akosifitse tšebetso ea likhokelo tsa lipompo ka lebaka la komello e bakileng tlhokahalo ea metsi libakeng tse ngata ka har'a naha.

Leha ho le joalo, letona le ile la bua ka matla khahlanong le liketso tsa tšenyiso ea lipeipi tsena moo sechaba sa libaka tse haufi le lipeipi se e etsang ho iphumanela metsi. A re sechaba sa ha Makhoathi ke se seng se ileng sa etsa ketso ena e soto empa lekala la Metsi le fana ka metsi e se ho khotalletsa tšenyiso



Mookameli oa Mehlang monghali Mathealira Lerotholi o bontša sechaba sa Makhoathi hore na pompo ea sechaba ea Pre-paid e sebetsa joang

empa e le ho phethahatsa boitlamo ba 'muso hore sechaba sa motse ona le e meng se une molemo oa phepelo ea metsi. Letona le ile la kopa sechaba sa metse e meng ho bea pelo sekotlolong ha lekala le tsoela pele ho kenya lipompo metseng e haufi le lipeipi tsa Metolong. A re taba ea ho senya lipompo ha se tsela e ntle ea tšebeliso le 'muso kaha e bile e baka tšenyehelo ea chelete e ngata e ka sebelisoang mererong e meng ea phepelo ea metsi metseng e thefutsoeng ke komello. Libaka tseo tšenyho ea lipeipi e etsahetseng ho tsona ke Thaba-Bosiu pel'a kereke ea Efankheli Lesotho, ha Jobo, ha Mosalla, ha Makhoathi libakeng tse peli, ha Makhalanyane, ha Motloheloa, ha Moruthoane esita le ha 'Mantšebo. Tšenyho ena ho ea ka monghali 'Mokose e jele chelete e ka bang M500,000.00.

Morena oa ha Makhoathi, mofumahali 'Malentsoe Makhoathi o ile a lebohela sechaba sa habo ka ntlafatso ena e tllileng ka nako e nepahetseng moo sechaba se neng se le leqemeng la metsi. A supa hore joale ha lipompo li le teng, boikarabello ke ba sona sechaba ho lisa thepa ea phepelo ea metsi e tikolohong ea sona, e le lipeipi

tse kholo esita le lipompo tse na. A ipiletsa ka thata hore sechaba se se hlote se etsa tšenyho thepeng ena ea phepelo ea metsi. Mofumahali 'Makeneuo Rabolinyane, e le mok'hanselara oa ha Makhoathi le ena o ipilelitse ho sechaba sa habo ho tšoarana ka matsoho ho baballa ntlafatso ena. A boela a ipiletsa ho letona la Metsi ho anetsa phepelo ea metsi metseng e hlohang metsi tikolohong ena.

Morero ona oa lipompo tsa metsi, a Metolong, ha Makhoathi le libakeng tse ling tse tlo una molemo ka sebopeho sena, o phethahatsoa ke lefapha la Phepelo ea Metsi, Metseng (Rural Water Supply). Seabo sa K'hamphani ea Metsi le Likhoerekhoere ke hore kamor'a hore sechaba se fumane

metsi a sa lefisoeng nako e khutšoane, ho tla sebelisoa lipompo tsa sechaba tsa limithara tsa pre-paid moo sechaba se tla sebelisa linotlolo/liteketana tse tla abeloa lelapa ka leng, moo motho ka bo mong a tla sebelisa senotlolo sena ho ithekela metsi ho latela tlhoko ea hae e be nkho ea lilithara tse mashome a mabeli (20l) e lefisoa 20 lisente.



Letona la Metsi monghali Ralechate 'Mokose o thakhola morero oa metsi ha Makhoathi

Ho aha Holim'a Lipeipi tsa Metsi e Tsoela pele ho ba Qholotso e Kholo Phepelong ea Metsi



Matlo a ahiloeng holim'a Lipeipi tsa Likhoerekhoere le pel'a tsa metsi, Maseru

E 'ngoe ea liqholotso tse tobileng WASCO nakong eo metse ea litoropo e holang ka sekhahla ke tloaelo eo baahi metseng ena ba nang le eona ea ho aha matlo kapa marako a sireletsang majarete holim'a lipeipi tsa metsi. Sena se etsahala khafetsa leha mafapha a nang le kabelo kabong ea mobu joalo ka Lekhotla la Motse Moholo Maseru (MCC) le a ikarabellang litoropong tsa litereke a hlalosa hore ntlafatso e 'ngoe le e 'ngoe e etsetsoang setšeng e tsoanetse ho etsoa ka tumello e fanoang ka tokomane e bitsoang Building Permit. Ba bang ba baahi ba bile ba ikekeletsa litsa e be ba kenyelletsa lipeipi ka hare ho litša. Hangata, ba aha holim'a lipeipi tsena, ho bakang hore li lutle kapa li phahloha ka lebaka la khatello ea marako. Ha li lutla kapa li phahlohle, ho boetse ho ba thata hore lefapha la tokiso ea marang rang a lipeipi le etse tokiso haholo e sa tliseng litlamorao tse bosula tsa ho senyeha hoa thepa ea baahi joalo ka matlo, lijalo le tse ling. Taba ena e etsahala libakeng tse ngata toropong ea Maseru esita le tse ling.

Mohlala ke oa K'hamphani e ntlafatsang litša eo ho tloha ka 2008 e ileng ea khakola morero o moholo oa ho aha matlo Katlehong, Maseru. Nakong eo matlo ana a ahoang WASCO e ile ea hlokomela hore moahi

o ntse a aha haufi le lipeipi tsa metsi ha matlo a mang a ne a ahoa holim'a lipeipi tsa likhoerekhoere. Taba ena e ile ea thijoa ho fihlela WASCO e hlahlela linyeoe makhotleng a molao. Tharollo e bile hore moahi a fumane tokomane e mo bontšang hore na a ahe joang a sa hlekahlekane le lipeipi tsa metsi (ea tobatsa hore ntlo e 'ngoe le e 'ngoe e be bohole ba limithara tse tharo ho tloha lipeiping, 'me tumellano ea boela ea bontša hore moahi o tla faposa peipi e kholo ea likhoerekhoere ka litšenyehelo tsa hae. Leha ho le joalo, K'hamphani e neng e ntlafatsa litša tsena e ile ea tsoela pele ka tšebetso e sa ikamahanye le liphelelo. Ho fihlela 2016, taba ena e sa le pharela kaha matlo a felile empa peipi ea likhoerekhoere sebakeng sena e senyehile 'me ha e so fallisetsoe sebakeng se seng. Metsi a litšila a tsoelapele ho qhalloa hohle tikolohong, 'me sena se baka tšilafalo ea tikoloho.

Ho sa le joalo tšenyoe e 'ngoe e malebana le lipeipi tsa metsi moo peipi e kholo ea 500mm ea metsi a hloekileng e fepelang lifeme le libaka tse ling tsa ha Thetsane e lutlang. WASCO e sitoa ho etsa tokiso e phethahetseng ka lebaka la hore, ha ho ka sebelisoa mechini e kang JCB ho fata pela peipi ena, a mang a matlo a ka sisinyeha, a peperana kapa a uela. Sena se baka hore K'hamphani e lahleheloe ke likete kete tsa lilithara tsa metsi a hloekisitsoeng.

A mang a matlo a na a se a luloa 'me qholotso e kholo ke hore ba sitoa ho fumana litšebeliso tsa metsi esita le tsa likhoerekhoere. Sena se qositse baahi ho etsa likoti tsa likhoerekhoere litšeng tsa bona, tseo le tsona li tsoelang pele ho pshatla tse ling tsa lipeipi tsa metsi sebakeng sena, kaha baahi ba sa nke mehato ea ho fumana litokomane tsa tumello ea ho etsa ntlafatso ea mofuta ona. Kamor'a hore lipuisano le K'hamphani e neng e ntlafatsa litša tsena li khitle lejoe, beng ba matlo ba ile ba kena lipakeng 'me boemeli ba baahi ho tsoelapele ho kena lipuisanong le WASCO hore



Khaho ea likoti tsa metsi a litšila ntle le Building Permit e baka ho khaoha h'a lipeipi, Maseru

ho fumanoe tharollo ea moshoelella. Leha ho le joalo WASCO e tiisa hore boemong bona ha e na ho nka boikarabello e bang matlo a na a ka senngoa ke tšebetso ea tokiso ea lipeipi kapa ho phahloha h'a tsona. E boetse ke boikarabello ba baahi ho lokisa peipi ea likhoerekhoere e senyehileng 'me ea se khutlisetsoe boemong bo nepahetseng. WASCO e tsoela pele ho ipiletsa ho baahi ba metse ea litoropo ho fumana tokomane ea tumello ea ho aha (building permit) bakeng sa ntlafatso ea mofuta ofe kapa ofe litšeng tsa bona, 'me ba ikobele lipehelo tsa tokomane ena.

WASCO e Tiisa Lenyalo le Mafube Consultancy ho Thakhola Liphuputso tsa Morero oa Five Towns

Mookameli e moholo oa WASCO monghali Mathealira Lerotholi o ile a tekena tumellano le Mafube Consultancy ea ho etsa tšebetso ea liphuputso tsa litl'amorao tse ka tlišoang ke morero oa phepelo ea metsi oa litoropo tse hlano. Liphuputso tsena li tla etsoa Qacha'snek e le e 'ngoe ea litoropo tse tl'o una molemo tlasa morero ona.

Monghali Lerotholi o boletse hore tšebetso ena e bontša hore lerole le tlo qoba haufinyane ho thakhola morero oa ho matlafatsa phepelo ea metsi litoropong tsa Qacha'snek, Hlotse, Butha-Buthe, Mafeteng le Mohales'hoek. A re K'hamphani e ipapisitse le lipehelo tsa molao hore pele morero oa mofuta ona o qala, ho etsoe liphuputso tse tebileng hore na tšebetso e ka ama naha joang.

Liphuputso tsena li batlisisa ka botebo litla-morao tse bosula le melemo e ka tlišoang ke morero ona. Tumellano ena ea Mafube le WASCO e kenyelletsa hape hore ho be le moralo oa ho thibela tšenyeho le tšilafalo ea tikoloho (Environmental Management Plan) litoropong tsena tse hlano. Moralo ona o tla kenya tšebetsong mananeo a hlahlobang litla-morao tsa morero e le ho fokotsa tse bosula le ho eketsa melemo e ka bang teng tikolohong ka lebaka la morero ona. Tsona ha li kenyelletse feela boiane ba tlholeho esita

le chebahalo ea tikoloho ka kakaretso empa hape e shebile le tse kang tšebeliso ea mobu oa baahi, phalliso, thibelo ea tšilafalo ea tikoloho, polokeho ea batho ba phelang tikolohong ea morero le tse ling.

Liphuputso tse tebileng li ile tsa etsoa Qacha'snek feela hobane liphuputso tsa mofuta ona li ile tsa etsetsoa litoropo tse ling tse tlo una molemo morerong ona pejana nakong eo ho neng ho etsoa liphuputso tlas'a morero oa ntlafatso ea phepelo ea metsi mabalane (Lesotho Lowlands Water Supply Scheme).



Mookameli oa Mehleng oa WASCO Monghali Mathealira Lerotholi o tekena tumellano ea Tšebeliso le Monghali Ikarabele Sello oa Citseo Consultancy ke kopanelo le Mafube Consultancy

Morero oa Ntlafatso le Keketso ea Marang rang a Lipeipi tsa Metsi o Ntlafatsa Phepelo ea Metsi Maseru



Basebetsi ba Lokisa Tsela kamor'a ho kenya Lipeipi tse Ntlafatsang Phepelo ea Metsi Arrival Centre, Maseru

E 'ngoe ea liqholotso tse kholo phepelong ea metsi mabalane ke ho lutla le ho phahloha h'a lipeipi tsa metsi ho bakoang boholo ke lipeipi tsa khale tsa letsopa. E le ho hlokomela sena le tšenyho eo se e bakang ea metsi a hloekileng esita le tšenyho thepeng ea sechaba, WASCO e ile ea kena morerong oa ho tlosa lipeipi tsa khale tsa letsopa metseng ea Maseru e kang, Maseru West, Florida, Arrival Centre, Pologround, Hoohlo, Hillsvlew le the old Europa.

Ho ea ka enginieri e ikarabellang phethahatsong ea morero ona, 'Maletsatsi Khetsi, morero ona o tl'o fokotsa sekhahla sa tahlehelo ea metsi a hloekisitsong, ho bea lipeipi tsa metsi hantle hore li tlohe ka har'a litsela le majarete. Libakeng tseo phallo ea metsi e neng e fokola morero o bile oa eketsa boholo ba lipeipi ho eketsa mothamo oa metsi hore o anele sechaba ho se mosebelisi oa metsi ea fumanang phallo e tlaase (low pressure).

Ke libaka tse ngata tse unneng molemo morerong ona, tseo li neng li sa fumane phepelo e khotsofatsang ea metsi ka linako tsohle joalo ka ntlo ea boeti Avani Maseru Hotel esita le setsi sa tlhabollo ea batšoaruoa (Central Maseru Prison) se neng se ena le nako e telele se sa fumane phepelo ea metsi ka libaka la ho eketsaha h'a boima ba sechaba bo neng bo fepeloa ke peipi e isang metsi setsing sena. Mookameli lefapheng la

litšebeliso Setsing sa Tlhabollo ea Batšoaruoa (LCS) e bile e le motlatsi oa Mookameli oa LCS monghali Mat-ingoe Phamotse o boletse hore e ne e se e le lilemo tse ka bang tharo setsi sena sa tlhabollo ea batšoaruoa se sa fumane phepelo ea metsi ka mokhoa o tloaelehileng. Sena se ne se baka tšitiso e kholo tšebetsong ea letsatsi le letsatsi kaha tšebeliso ea metsi e le holimo ho latela sechaba se phelang setsing sena sa tlhabollo. A re ntlafatso phepelong ea metsi e imollotse setsi haholo, kaha boholo ba lipompo bo tsoa metsi ka phallo e amohelehang hoo ba seng ba ntlafalitse tsamaiso ea likhoerekhoere ka ho tlosa matloana a likotjana ho etsa a metsi.

Morero ona o qalile ka Hlakola 2015 'me tebello e ne e le hore o phetheloe ka Loetse Selemong seo. Empa ho latela liqholotso, morero ona o phethetsoe ka Pherekhong 2016. Tse ling tsa liqholotso tse ileng tsa khina tšebetso ho ea ka mofumahali Khetsi ke hore boholo ba baahi metseng e neng e una molemo morerong ona ba ikekelelitse lits'a hoo lipeipi tsa metsi li neng li le ka har'a majarete, ha tse ling li ne li ahelletsoe marako holimo. Hape boholo ba baahi ba entse marako a sirelelitseng litša empa ha ba a sia libaka tseo lipeipi tse ba fepelang metsi li ka tsamaea ho tsona hore le nakong eo WASCO e hlokanang ho etsa tokiso e etse joalo ho se tšitiso ea letho. Taba e 'ngoe e bileng qholotso phethahatsong ea morero ona ke hore baahi ba entse lintlafatso thokoana le majarete moo tse ling tsa lipeipi tsa metsi li tsamaeang teng 'me nakong ea tšebetso baahi ba joalo ba setisa tšebetso ea ho fetola lipeipi ka le reng e senya lintlafatso tse joalo. Ho se raloe hoa metse ea litoropo e bile e 'ngoe ea liqholotso tse kholo tsa morero ona le e meng ea ntlafatso ea litšebeliso tsa metsi le tsamaiso ea likhoerekhoere, kaha malapa a mang a sa fihlellehe ke tlhokahalo ea litselana tse kenellang malapeng tse etselitsoeng ho fetisa litšebeliso. Mofumahali Khetsi o hlakisiteng hape hore, "Basotho ba bang ho bonahala ba se na tsebo ka litaba tsa ntlafatso ea phepelo ea metsi 'me ba ne ba ikhethela feela ho hloka tšebeliso 'moho le



Mof. 'Maletsatsi Khetsi- Engineer ea Morero oa Ntlafatso le Keketso ea Marang rang a Lipeipi tsa Metsi

rona, ba re ha ba hloke ho ntlafaletsoa litšebeliso". Sena se ka baka hore nakong e tlang ha kholo ea sechaba e ntse e phahama 'me e phahamisa sekahla sa tlhokahalo ea metsi, e be lipeipi tseo tse sa fetoloang li sitoa ho araba tlhoko ea sechaba, kapa li tsoela pele ho phahlola le ho lutla kaha li se maemong a nepahetseng a ho jara boima ba phallo ea metsi kaha e le tsa khale, tsa letsopa.

Mafapha a Metsi le ba chang ba Tšola a Hlahloba Tema e Khathuoeng 2014/15

Lefapha la metsi, 'mokeng oa ba chang ba tšola o bileng Maseru ka Pherekhong, le ile la hlahloba likatleho tšebetsong ea lona ea kanetso ea phepelo ea metsi le litšebeliso tsa bohloeki, matloana le pokello ea likhoerekhoere metseng ea litoropo esita le mabalane.

Lekala ka mafapha a lona a kang Lefapha la Phepelo ea Metsi Metseng, WASCO, Lefapha la Metsi, Komisi ea Metsi 'moho le mafapha a mang ao le sebetsang le ona joalo ka la Bophelo, Lichelete, Lipalo, Meralo esita le bafani ba kang European Union (EU) le European Development Fund (EDF) le ne le tšohla tema e khathuoeng ka selemo sa 2014/15.

Morero ona oa ho fetola marang rang a khale a letsopa le ho pharallatsa phepelo ea metsi hore e fihle libakeng tse ling tse neng li sa fumane metsi o tšehelitsoe ka lichelete ke WASCO 'me o ne o kenngoa tšebetsong ke K'hamphani ea Mango Contractors. Ke morero o ralletsoeng ho ntlafatsa le ho jara phepelo ea metsi e arabang litlhoko tsa sechaba ho fihlela lilemong tse mashome a mabeli tse tlang.

Tšebetso boholo e ne e kenyelletsa ho cheka e le ho ntša lipeipi le ho kenya tse ncha, ho kopanya marang rang a lipeipi ho bileng hoa ama litsela ho kenyelletsa le tsa letšoana, ho khaola phepelo ea metsi nakong ea tšebetso esita le phallo ea metsi ka bongata mapatlelong a metse nakong eo tlhoekiso ea lipeipi tse ncha. Sechaba sa metse e amehileng, baetapele ba sechaba ba kang marena, le mak'hanselara esita le Lekhotla la Motse Moholo Maseru (MCC) ba bile le tšebeliso e mofuthu hore tšebetso e phetheloe ka katleho leha e ile ea baka tšitiso e kang phallo ea sephethephethe, le tšenyeho ea thepa ea sechaba e kenyelletsang litsela.

Mookameli Komising ea Metsi monghali Mokake Mojakisane o boletse hore e se e le lelomolo hore Lekala ka mafapha a fapakaneng le khobokane le ba chang ba tšola ka sebopelo sena, likhoeling tse ling le tse ling tse tharo ho fana ka litlaleho tsa tšebetso, ho arolelana malebela liqholotsong tse tobileng phethahatso ea merero ea phepelo ea metsi le tsamaiso ea likhoerekhoere esita le ho hlahloba hore ba ntse ba sebetsa ho latela mekolokotoane eo ba lumellaneng ka eona le bafani tlasa tumellano ea lithuso tsa lichelete le EU le EDF.

Monghali Mojakisane o itse, kamor'a lilemo tse telele moo lekala la metsi le neng le fumana tšebetso ea



Mong. Noosi Makhotla oa WASCO o Tekela 'Moka Likatleho le Liqholotso tsa Tšebetso ka 2014/15

lichelete ho ntlafatsa phepele ea metsi le tsamaiso ea likhoerekhoere ho latela litaba tabelo tsa bafani, le ile la hlokomela hore tema e ea fokola 'me la ikeletsa hore le sebetse litaba tsena ka kopanelo le mafapha a chang a tšola. Ke ka lebaka lena le ileng la kena tumellanong le bafani hore lefapha le rale le hona ho qala merero e mehola 'me bafani ba fane ka tšebetso ea lichelete esita le botsebi moo ho hlokahalang.

Tse ling tsa likatleho tse fihletsoeng selemong sa 2014/15 ke hore WASCO e atlehile ho etsa likhokelo tse ncha tsa metsi metseng ea litoropo ho ipapisitsoe le mekolokotoane (set targets) eo e neng e ipehetse eona. Empa likhokelo tsa metsi metseng ea mahae li sitiloe ho fihlela mekolokotoane. Sena se hlahelletse litlalehong tse ileng tsa tekela 'moka ho ea ka monghali Mojakisane. Leha ho le joalo, kanetso ea litšebe-

letso tsa tsamaiso ea likhoerekhoere litoropong esita le metseng ea mahae e salletse morao.

K'homishinara ea metsi monghali Mojakisane o toto-balitse tse ling tsa liqholotso tse khinang tšebetso e le khaello ea batho ba nang le litsebo tse ikhethang esita le khaello ea basebetsi mafapheng ao ba tšoarisaneng tšebetso le bona. Leha ho le joalo, o tiisitse hore kopano ena ea boitlhalobo e bile e atlehileng haholo 'me le bafani ba bonahala ba khothetse ke liteko tsa bona, haholo hobane lefapha lena papisong le a mang le tseba ho itlhophla le hona ho itlathloba, khafetsa.

Ho tloha ka 2006 ha leano la phepele ea metsi le tsamaiso ea likhoerekhoere (Water and Sanitation Policy) le kena tšebetsong lefapha la metsi le sebetsa ka matla ho phethahatsa leano lena. Lona le totobatsa bohlokoa ba ho baballa metsi, ho anetsa phepele ea metsi le tsamaiso ea likhoerekhoere nako e telele. Le boetse le bontša bohlokoa ba hore lefapha le sebetse le bafani le bohle ba chang ba tšola litabeng tsena. Ke ka lebaka lena tšebetso e 'ngoe e kholo ea lefapha la metsi e leng ho tseba hore na metsi a hokae, a makae le hore a baballoe joang. Lefapha ka WASCO, Lefapha la Phepele ea Metsi Metseng (Department of Rural Water Supply) le a mang a etsa merero ea ntlafatso ho phethahatsa leano lena ka tšebetso ea bafani ba machaba ba fetang leshome.

Komello e Thefula Phepele ea Metsi ka Har'a Naha

Phepele ea metsi e qalile ho qeepa litoropong tse ngata ka har'a naha ho tloha ka Mphalane, ka lebaka la komello e bakileng ho psha hoa mehloli e tsebahlalang ea metsi, joalo ka liliba, linoka esita le mehloli ea metsi e tlas'a mpa ea lefatše.

Boholo ba litoropo tseo WASCO e li fepelang ka met-si li ile tsa angoa ke boemo bona. Ka ho hlokomela

boemo bona ba tsitsipano K'hamphani e ile ea kenya tšebetsong meralo e 'maloa ho araba tlhoko ea metsi ea toropo ka 'ngoe.

Mafeteng

Phepele ea metsi e ile ea etsoa ka phapanyetsano ho fihlela ka Pulungoana ha letamo la Skanska le psha. Kamor'a moo ho ile hoa behoa litanka metseng tse



Tanka e beiloeng Paballong Mafeteng ho Khahlemetsa Sechaba ka Metsi nakong ea Komello

ileng tsa atameletsa sechaba metsi ho kenyelletsa le sepetlele. Tharollo e ngoe e bile hore ho sebelisoa setsi se senyenyane sa tlhoekiso ea metsi sa Lefapha la Phepelo ea Metsi Metseng letamong la Luma, ebe metsi a tsamaisoa ka litanka tsa metsi ho ea sechabeng.

MOHALE'SHOEK

Phepelo ea metsi a neng a ntse a bokelloa nokeng e ile ea aroloa ka libaka tse holimo le libaka tse tlaase tsa toropo 'me phepelo e etsoa ka phapanyetsano moo baahi libakeng ka ho fapana ba neng ba fumana metsi kamor'a bonyane matsatsi a mararo. K'hamphani e ile ea matlafatsa matla a pompo ea metsi a tsoang ka tlasa mpa ea lefatše. Tharollo ea nako e telele ke hore ho akofisoa phethahatso ea morero oa phepelo ea metsi oa litoropo tse hlano oo Mohaleshoek e tlo una molemo ho ona. Morero ona o tl'o boela o ntlafatsa phepelo ea metsi litoropong tsa Hlotse, Butha-Buthe, Mafeteng le Qacha'snek.

QUTHING

Boemo ba komello seterekeng sena bo thefutse phepelo ea metsi haholo kaha mohloli o moholo e leng Qomoqomong o pshele. Ho ile hoa chekoa nokeng e le ho thiba hore ho se be le metsi a phallelang tlaase empa le lona leqheka lena ha lea sebetsa nako e telele hobane metsi a ne a se a le sieo nokeng. WASCO ka tšebeliso le mafapha a baetapele ba sechaba le komiti ea setereke ea metsi e ile ea hlahloba mehloli e meng e ka sebelisoang ha bobebe nakong ena joalo ka liliba tse ntseng li sebelisoa metseng e meng e hau-fi le toropo. E ile ea kopa metsi motseng oa ha Makoloane ka seliba sa moo le sekolong se phahameng sa Leloaleng moo teng metsi a neng a isoa setsing sa tlhoekiso e be a fepela toropo.

HLOTSE

Toropo ena ke e 'ngoe ea tse ileng tsa thefuloa haholo ke komello. Ka Pulungoana sechaba sa Hlotse se ile sa qalelloa ho fepeloa metsi ka litanka tse atamelitsoeng metseng ka metsi a borehole ea Maputsoe Sekaleng le ha Ramolibeli. Nakong ena metsi a ne a se a sa tsoe lipompong kaha tlhahiso litsing tsa tlhahiso le tlhoekiso ea metsi a ne a le sio. Mohato o mong e bile ho etsa kopo Morerong oa Metsi a Lihlaba tsa Lesotho hore metsi a buleloe ho tsoa toreng ea Tšehlanyane.

MAPUTSOE

Maputsoe le eona ke e ngoe ea litoropo tse thefutsoeng ke komello empa e le ho atameletsa metsi sechabeng tlasa maemo ana libaka li ile tsa fepeloa ka phapanyetsano. E le ho ntlafatsa phepelo ea metsi K'hamphani e ile ea fumana liborehole tse peli e Sekaleng le e pela Hippo.

Toropo e 'ngoe e ileng ea angoa haholo ke komello ke Mokhotlong kaha noka ea Mokhotlong le seliba sa Phutha li ile tsa psha haholo nakong ena. Liteko ho kha metsi nokeng ea Senqu li ile tsa ntšetsoapele 'me le litanka li ile tsa beoa metseng e fapakaneng ho atameletsa metsi sechabeng.

Libaka tseo phepelo ea tsona e ileng ea tsitsa le boemong ba komello ke tse fepeloang ke Metolong e leng Maseru, Mazonod, Roma, TY le Morija empa sena ha se bolele hore metsi a ka sebelisoa ka bohlasoa libakeng tsena. Litoropo tse sa kang tsa thefuleha hampe ke komello ena ke Peka le Qacha'snek. Thaba – Tseka le eona ha e ka ba ea thefuleha haholo empa sebaka se holimo se kang Hillside se ne se sa fumane metsi nako eohle empa libaka tse ling li ne li koalloa hore ho buleloe sebaka sena. Butha-Buthe le eona e ile ea thefuleha empa e ne e una molemo nakong eo letamo la 'muella le buletsoeng 'me metsi a phalle ka bongata nokeng ea Mohokare e le o mong oa mehloli a metsi Butha-Buthe.

Ka Tšitoe 2015, tona-kholo ea Lesotho Dr. Pakalitha Mosisili o phatlalalitse taba ea komello e le koluo ea naha. 'Muso o ile oa behella ka thoko limilione tse M155 e le ho pharallatsa litšebelletso tsa kanetso le phepelo ea metsi libakeng tse thefutsoeng ke komello esita le ho matlafatsa lefapha la bophelo ho atisa litlhare bakeng sa kalafo ea mafu a ka bakoang ke komello. Tebello ke hore karolo e 'ngoe ea chelete ena e ile ea sebelisetsoa ho fumana mekhoha ea temo e baballang metsi.

Litaba ka Litšoantšo

WASCO E ILE EA TSOA LETŠOLO HO SEBETSA LE MAFAPHA A KANG LHDA LE A MANG HO FUMANA MEHLOLI E MENG EA METSI, MAFETENG



PULO EA LETAMO LA METOLONG



LEWA approves new water and sewerage charges for 2016/17

On 23rd March, 2015 Lesotho Electricity and Water Authority (LEWA) Board of Directors made an announcement on the approved water charges following Water and Sewerage Company (WASCO) application requesting a tariff review submitted in January. The new tariffs will be effective from 1st April, 2016.

When making the announcement during a press briefing at the LEWA Head Office, the chairperson of the Board of Directors Dr. Leboli Thamae stated that after duly considering the application, the Board approved revenue requirement of M201.40 million for water services instead of M200.40 that was requested by WASCO. The Board also approved M32.78 million instead of M39.48 million requested for sewerage services for 2016/17.

The tariffs will increase by 8.7% across the board. The standing charge for Band A customers has been abolished while standing charges for the other customers remain unchanged. Dr. Thamae explained that the decision to remove standing charge for the lowest band is a pro poor move to ensure that poor people who live in towns can also afford to get clean water. This move is also expected to assist those who do not have reliable supply and those who are adversely affected by droughts in future to be charged only on water consumed at a time.

Dr. Thamae explained that in its tariff application submitted on 6th January, 2016, WASCO had requested an increase of 13% for all customers. It requested that the standing charge tariffs for all customers remain unchanged. The Authority according to Dr. Thamae made a decision to make an increase of only 8.7% following thorough investigations on the application. The Chairperson of the LEWA Board of Directors further indicated that the Board's decision was also made in consideration of public submissions made through public consultation process which included three public hearings in Thaba-Tseka, Teyateyaneng and Maseru and the publication of WASCO application in the local newspapers and radio programs.

This is where consumers, interest groups such as the Consumer Protection Association, Lesotho Council of Non-Governmental Organizations, factories and customers from across the country made presentations before the Regulator's Pricing and Tariffs Committee. Some of the concerns were that an increase in water services would be reflected in the price of commodities that use water as an input. This would then result in the country's wet industries losing their competitive edge in international markets.

When asked by the media to commend on the decision, the acting Chief Executive of WASCO Mrs. 'Mamathe Makhaola was adamant that whatever the percentage of the tariff adjustment, WASCO remains committed to delivering on its mandate. She said the management will work hard to ensure that customers get excellent services and to do this they will continue to engage with all stakeholders to resolve challenges that hinder WASCO from making good on its mandate of providing potable water for customers on designated urban areas.

The approved charges will be effective from 1st April, 2016.



From left; LEWA Chief Executive Ass. Prof. Ntoi Rapapa and Chairperson of the LEWA Board of Directors Dr. Leboli Thamae.

The Koaring Community Struggle for Clean Water supply Comes to an End



The Deputy Minister of Local Government and Chieftainship Mr. Kotiti Liholo officially Opened the Water Supply Project at Tšenola Koaring, Maseru

The Koaring Community near Lepereng in Maseru on 30 October, 2015 celebrated the first drops of clean water that were provided through an MCC (Maseru City Council) initiative financed by EU, UNDP and UNCF.

The water supply project comes in the wake of a long struggle of the community that was regarded as illegal settlers. Following the recognition by MCC as rightful residents, the community worked hand in glove with the MCC and WASCO to initiate processes of getting access to clean water supply.

Mrs. 'Matumelo Marake, a resident and a member of the development committee at Koaring in an interview during the construction of the pipeline relived their ordeal of getting water for daily basic needs. She said they would wake at mid night to draw water from a nearby stream whose source was unbeknown to them. "But the water stank, had a yellowish foam and left a rusty layer at the bottom of the containers," Mrs. Marake added. Their suspicion was that the water was originally waste water from the nearby health institutions because even their children had consistent skin problems like rash. She hailed all the players that made clean water supply to Koaring a reality saying, this initiative was a dream come true.

The project which entailed construction of a pipeline and two public prepaid stand pipes was officially opened by the Deputy Minister of Local Government and Chieftainship Mr. Kotiti Liholo. In his remarks at

the ceremony the Deputy Minister said the Koaring community was assisted through a project that aims to deepen decentralization, reduce poverty and educate local government councils on financial accountability. He explained that it is through this initiative which is financed by the development partners, EU, UNDP and UNCF that the Councillor for Lithabaneng ward 10 was able to secure financial assistance which saw the implementation of water supply project at Koaring. The Deputy Minister did not mince words as he appealed to the community to protect this development for the purposes of sustainability.

Speaking at the event, Mrs. 'Masechaba 'Makong, a councillor for Lithabaneng explained that this development was solely initiated by the community and hence it directly addresses a long term need. She appealed to the urban population to settle in areas which are well planned where they will be able to access all services. When speaking on behalf of the development partners Mr. Liau Motoko of UNDP stated that this project is a good example of a successful community led initiative, which addresses a specific need of a community.

The Water and Sewerage Company which implemented the project also contributed in meeting the costs of the project which were not covered in the M91, 000.00 donation. When speaking on behalf of the Chief Executive, Mr. Isaac Sebonyane stated that almost half of the funds used were ploughed back into the community because, the Company entered into a partnership with the community members who were employed as labourers to undertake the construction works. This is one of the efforts of WASCO to alleviate poverty through temporary employment.

Deepening decentralization is a project headed by the Ministry of Local Government and Chieftainship that provides local government grant to councils to engage in developments that are determined by the benefiting communities. The project commenced in 2014 and resident development committees see to the implementation of projects. Some of the local government grants projects include slum upgrading, improving sanitation and clean water supply.

Maseru Sewerage and Sanitation 2035 Master Plan Revealed



Some of the WASCO Representatives at the Workshop



Other Stakeholders who participated at the Workshop

The plan was presented to the Water and Sewerage Company (WASCO) management in October, 2015. It was developed as a component of the Maseru Waste Water Project to provide the Company with a clear roadmap on how to tackle the challenge of sanitation facilities in Maseru.

The plan, according to the Director of Enterprise Project Management (EPM) at WASCO Mrs. 'Mamathe Makhaola, forms part of the Maseru Waste Water Project (MWWP) and it was done following presentation of assessment report which provided a clear picture

of the situation on the ground. The master plan for 2035 is a road map for WASCO to address sanitation problems considering that sewer network coverage is just 20% (188km). This is an indication that WASCO is far behind in reaching its mandate of providing sanitation services in the capital city and indeed in all the other designated urban areas, Mrs. Makhaola added.

The master plan clearly indicates what needs to be done to ensure that residents of the capital city have access to sanitation services. The plan also includes the cost estimates for sewerage projects that will be undertaken to increase coverage.

The master plan was in August, 2015 presented to stakeholders such as the Maseru City Council, Roads Directorate, Lesotho Electricity Company, Telecom Econet Lesotho, Lesotho Highlands Development Authority, Commissioner of Water, Ministry of Local Government and Chieftainship and that of Tourism, Environment and Culture. These stakeholders made recommendations which were incorporated in the plan which was presented to WASCO management. Mrs. Makhaola was adamant that the stakeholders are important in the development of this plan and all the other development initiatives as WASCO strongly proposes promotion of integrated planning of major developments in Maseru. Speaking during the presentation of the plan to management, the Chief Executive of WASCO Mr. Mathealira Lerotholi indicated that the management will use the plan as a guide towards making future initiatives for improving sanitation services in Maseru.

The Maseru Sewerage and Sanitation 2035 Master Plan was developed by the German Consulting Engineers Salzgitter (CES) company in 2015. This is another component of MWWP which was implemented in three phases. The first phase consisted of rehabilitation of the Ratjomose Sewage Treatment Plant. The second phase was the medium term works which included construction of sewer lines, treatment works at Masowe and Agric College and construction of on-site sanitation facilities.

Greater Maseru Water Supply Project Feasibility Study Draft Report Presented before Stakeholders

Stakeholders in the water, development and planning sectors came together in Maseru to discuss the Greater Maseru project feasibility study preliminary report in January, 2016.

The feasibility study was conducted from 2014 by the Jordan AMMAN based company, Consulting Engineering Center (CEC).

When opening the workshop on behalf of the Chief Executive, the Director of Enterprise Project Management (DEPM) Mrs. 'Mamathe Makhaola explained that the purpose of the meeting is to engage all the stakeholders to work together from the initial stages of planning the Greater Maseru Project in an effort to promote integrated planning for the capital city.

Mrs. Makhaola explained that the project was conceptualized by WASCO to address the growing demand for water supply service in some parts of the city. She said the rapid urbanization has seen the city boundaries shifting substantially thus putting pressure on WASCO to extend the supply services to areas that were not under the service territory in the past. She indicated that the Company had been very slow in meeting the water demand from these areas due to old and dilapidated infrastructure which did not have capacity to supply increasing populations. However, with the Metolong Water Supply project coming of age, WASCO is now able to produce adequate water to meet the increasing water demand in the city but just has to overcome the challenge of lack of distribution network in these areas.

As a result, the Company initiated the Greater Maseru Water Supply Project to address the water demand in other parts of Maseru which currently do not have access to clean water services. The initial phase was conducting the feasibility study. The areas that stand to benefit from this project are: Ha Foso, Marabeng, Berea, Mabote, Maqalika, Ts'enola, Tsautse, Qoaling,

Ha Ts'iame, Ha Lesia, Ha Ratjomose, Ha 'Masana, Masenod, Ha Luka, Ha Bosofo and Ha Makhoathi. The study according to DEPM examined the technical, financial and economic feasibility of provision of water to these areas as well as development of water supply preliminary designs for planning horizon of 2040.

During the presentation CEC consultants provided a number of options to address the water supply challenges in each of the identified service area and stakeholders were able to scrutinize each option in order to come up with the preferred option. The findings indicated that embarking on water supply project in the selected areas is an economically viable exercise as not only will clean water improve the health status and productivity of the residents it would also improve their livelihoods.

Following the workshop, CEC would be expected to incorporate stakeholders' inputs and submit the final feasibility study report to WASCO, which will then use it to source funding from donors and development partners. The feasibility study was undertaken with a grant that WASCO received from Arab Bank for Economic Development in Africa (BADEA).



The Chief Executive a.i Mrs. 'Mamathe Makhaola participated at the Greater Maseru Water Supply Project Stakeholders' Meeting

NOTICE: NOTICE: NOTICE

Dear Customer,

New Water Tariff Structure Announcement

Please be informed that the water tariffs as approved by LEWA have changed as follows:

	OLD	NEW
Standing charge for domestic customers	M40.90	M40.90
	M21.93	M0.00 for Band A

Domestic Customers - Water:

BAND			OLD RATES	NEW RATES	
A.	0	TO	5 Kilolitres	M4.51	M4.90 per 1000 liters
B.	>5	TO	10 Kilolitres	M7.64	M8.31 per 1000 liters
C.	>10	TO	15 Kilolitres	M13.42	M14.59 per 1000 liters
D.	ABOVE		15 Kilolitres	M18.50	M20.12 per 1000 liters

Standpipe customers	M6.11	M6.64
Standpipe standing charge	M0.00	M0.00

Non Domestic Customers – Water

Standing charge for non domestic excl. government, Schools & churches :		M393.39	M393.39	Standing
charge for government & Schools	M272.35	M272.35		
Standing charge for churches (religions)		M196.70	M196.70	
All Consumption (industries, business, government)		M12.21	M13.28	
All Consumption (schools, churches)		M12.11	M13.17	

All types of customers - Sewerage

The sewerage is charged M9.70 on 85% of water consumed
The non-waterborne sewerage is charged M9.70 on 60% of water consumed

These tariffs will be effective from the 1st April, 2016

WASCO MANAGEMENT

WASCO has assumed that water returned to sewers is 85% of kilolitres billed.

Mamathe Makhaola (Mrs.)
Chief Executive a.i